

An Oregon 2022-2027 Medicaid Demonstration Waiver (Waiver ren Angangen Sefei) me ewe Porousen Nesor me Ponon ren OHP

Met ei waiver ren Sefei?

Medicaid nge ew prokramen state me federal. Ekewe state mi pesepes repwe amasow pekin aninisin waiver ren Medicaid ika re mochen siwini ototen seni ekewe kapas emwen mi maketiwi seni federal. Ewe Oregon Health Plan (OHP, Ototen Tumwunun Manaw), an Oregon uwe Medicaid prokram, mi awora tumwunun manaw ngeni aramas ese watte nour moni tonong. Ew state mi tongeni tingor ewe mwumuta me nukun tichikin ekoch onuk regulations pwun epwe tufich kawor faniten ekei wewe me ekoch:

- Ion mei tufichin epwe nounou Medicaid
- Met sokkun aninis repwe angei seni
- Ifan usun touren angangen pekin health care ngeni chon nounou Medicaid

Wewen ei asófo sefanin tingor (waiver) (pwan oruwen iten [1115 Demonstration \(Angangen Pwarano\)](#)) nge minen epwe siwini ach uwe Medicaid prokram non state an epwe mecheres aninis ngeni aramasach. Me non September 28, 2022, Centers for Medicare and Medicaid Services (Ewe Ofesin Aninisin Medicare me Medicaid) a awora ngeni Oregon saingon kasiwin faniten met mi mwumuta repwe siwini me non ewe Oregon Health Plan. Napengeni ekei siwin epwe poputa me non 2024, iwe ekoch repwe poputa non 2023.

Ach anean faniten ewe 2022 – 2027 Waiver (Tingor)

Ach mochen awora aninisin manaw epwe nònòno chok iei ouchen ewe Oregon waiver (tingor). Epwe sopweino ach angangen murino seni nomw me non kinikinin tumwunun manaw non Oregon, epwe pwan suki enach ngeni ach kewe mochen watte.

- Forata ew system ren pekin health care an epwe nonnopok, fiti angangen eoreni me mecheresin pworous non foosun ekoch pwan fonu
- Fori fichi pwe aramas meinisin epwe wor ar pekin tumwunun manaw.
- Fori ochu angangen ach pekin tumwunun manaw non ach apwungu ekewe weires me osupwang me non neniach.
- Fori fichi, me anomwata nóunónu moni faniten aninisin tumwunun manaw epwe weweno chok.

Met epwe siwin me non ewe 2022 – 2027 Waiver

Kattonong

Sopwosopweno kattonongen OHP faniten semirit, seni ar uputiwi tori ar onouen ranin uputiwi. Wewen pwun semirit meinisin epwe cafer ika kawor at tumwunun manaw tori ar ier onou iwe it mi pwan sopwosopw ne chuuri nour kewe doktor ika pioing, epwe anisoch ngeni unusen are pekin tumwun.

Sopwosopw ruow-ier kattongen OHP faniten aramas ier onou me watte seni ika mwo a siwin porousen ar elichipon. Chomong aramas re towu seni OHP insur ren pekin tumwun manaw

ekan chok murin ekis fansoun ra pwan niwining non OHP. Ei tapin “on me off” non OHP mi afisita tumwunun manaw ese och.

Met wewen ngeni ekewe chon pach non OHP

Ekewe chon pacheti OHP epwe nakatameno ar repwe nomw fan nurin OHP. Ikenai, chon apach meinisin repwe amasow sefan iteiten ier, iwe mi tongeni towu seni ika mi wor met mi kasiwin non porousen ar elichipon (awewe ika mi wor kasiwin non Moni tonong). Non ena minafon waiver, ekewe chon apach resapw pwan akamasow chung, iwe ekoch kasiwin non porousen ar elichipon esapw oukano at OHP ika ese esapw nakatam.

Aninisin Aramas

Mi wor aninis epwe kawor faniten aramas ik famini mi osupwang ika weires nonomwur. Fan ekoch aramas ra tonong non osukosuk, awewe ren ekan rekan towu seni imwer ika mi nomw non osukosuken asepan watte, fan ekoch ra towu seni ar aninisin tumwunun manaw me sefei iwe afisita watten osukosuk non manawer.

Non ach mochen anisi ekei aramas ar repwe sopwosopwono ne cafer ika nomw fan tumwunun pekin manaw me sefei, me chuuri nour daktor, ika pochokun non manawer, Oregon a mochen awora ekei aninis ngeni aramas mi tonong non ekei osukosuk, ekei aninis ra nomw fan kinikinin aninisin aramas ren pekin tumwunun manaw.

Onongonong won omw osukosuk, ekei kinikinin aninis mi tongeni pachenong aninisin ren:

Imw

Ren pekin imw a tongeni pachenong ekoch ekei masowen ei aninis:

- Aninisin moni faniten rent non ekis fansoun (awewe ren kawor en moni epwe deposit faniten rent, me monien momon fifi me konik) tori 6 maram.
- Forin ika kasiwinin non imw (awewe ren forin ramp, nenien amwoch, pisekin aninisin nonomw)
- Ekewe aninisin aramas mi kuta imwer (awewe ren kuten me amasowen applikason, kããpin pisek ika kopwe no ngeni pwan och imw, aninisin kosapw towu seni imomw)
- Pekin kutten nenien aninis seni neniomw me/ika awora noumw keis manaicher

Aninisin mwongo

Pekin aninisin mwongo mi tongeni pachenong ekoch ekei masowen aninis:

- Awora links ika aninis faniten ekewe nenien ekewe neni non neniach mi awora aninisin mwongo (awewe., ren aninisin amasowen noumw applikason faniten SNAP me WIC)
- Asukoonen ngúúnen me amwoten mwongo
- Taropwen met tapin mwongon fruits me vechetepon kopwe kamo (tori 6 maram, oruwen iten nge VeggiesRX) me pworun mwongo mi och manawomw.
- Aninisin awora mwogo mi och ngeni manawen inisumw

Tumwunumw seni osukosuken asepan

Ekei aninis mi tongeni pachenong ekoch ekei masowen aninis:

- Awora momon ekoch pisek mi anisuk ren awora akàren ika apatpaten nomw imw ika enimenimen asepanin non imw, mi pachenong aircon, heater, fiterin asepan, me generator pwun repwe on ika mwo a kotur omw fifi. [/g]

Io epwe elichipon ngeni ekei aninisin aramas ren pekin tumwunun manaw

Ikei ekei mwichen ika tapin aramas repwe elichipon ngeni ekei aninisin me fan ewe waiver:

- Serafo ier 19 – 26 mi ouchea ngeni nonomwun manawer ar repwe angei ekei aninis
- Serafo mi kan angei aninis seni mwun, pwan ekewe mi towu seni nenien tumwunun foster murin ar ier 18
- Aramas esor imwer ika repwe ne towu seni imwer
- Ekoch aramas ir mi nomw fan ika it mi Kan angei aninisin Medicaid ika Medicare insur [/g]
- Aramas re keran towu seni kanapus
- Aramas mi arap ngeni repwe tonong non osukosuk mi fis seni osukosuken asepan pokiten kasiwinin non asepan

Met wewen ngeni ekewe chon pach non OHP

Ekewe aramas mi apach non OHP ir mi tonong non osukosuk faniten kasiwinin non manawer epwe kawor ngenir aninisin imw me mwongo pwun epwe mecheres ngenir non otun ar tonong non ekei osukosuk.